



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

4. Sedes Apostolica &c. Capitulum Canonorum à Sæcularisatione
Abbatiaë Benedictinæ S. Bavonis recens erectum transfert ab Ecclesia S.
Bavonis, (quæ ad construendam Arcem diruebatur;) ad Ecclesiam ...

[urn:nbn:de:hbz:466:1-74514](https://nbn-resolving.org/urn:nbn:de:hbz:466:1-74514)

PAULUS EPISCOPUS.

Servus Servorum Dei Dilectis Filiis, Capitulo & Canonicis Ecclesie Gebennensis Salutem, & Apostolicam Benedictionem.

EX parte Venerabilis Fratris Petri Lamberti Episcopi Casertanensis, Referendarii nostri, fuit nuper propositum coram nobis. Videlicet quoddam cum faviente in Civitate Gebennensi pestifera hæresis Lutheranae Sectatorum persecutione, vos ab Ecclesia vestra Gebennensi, & Civitate prædicta per Cives & incolas ipsius Civitatis impie expulsi, ac Calicibus, & sanctarum Reliquiarum repositoriis, nec non pluvialibus & aliis sacerdotibus indumentis, ac paramentis & ornamentis divino Cultui ipsius Ecclesie dicatis, spoliati fuissetis; Vos nolentes propterea cultum divinum huiusmodi prætermittere, & ab obsequiis divinis desistere, prout nec desistitis, tandem in Ecclesia domus Sanctæ Crucis oppidi Annetiaci, ordinis Fratrum Minorum de Observantia nuncupatorum Gebennensis Diocesis, de consensu, & voluntate ipsius Petri Episcopi, ejusdem Domus fundatoris ac dilectorum Filiorum illius Fratrum vos reduxistis, & imbi extunc Capitulares, & alias Missas, ac omnes & singulas horas Canonicas diurnas, & nocturnas juxta morem ipsius Ecclesie Gebennensis celebrastis & decantastis, prout celebratis & decantatis de præfata, & licet vos in præfata domo, nisi solum & duntaxat in illius Ecclesia, tempore celebrationis divinarum, nullatenus vos intromittatis, ac de paramentis, eidem divino cultui necessariis provideritis, Vosque & Fratres prædicti in divinarum celebratione vos non impediat, cum domus & Ecclesia huiusmodi ad hoc capaces existant; & si Ecclesia & domus huiusmodi vobis pro divinis celebrandis concessa non fuisset, vos in partibus illis Ecclesiam ita commodam non reperissetis, nihilominus à nonnullis hæsitari posset, an vos, qui Presbyteri & Clerici Sæculares estis, in Ecclesia Regulari Missas, & alia divina Officia celebrare & recitare possitis, pro parte dicti Petri Episcopi, qui etiam litterarum Apostolicarum Corrector ac majoris Præfidentie Abbreviator existit, & ut asseritur, Canonicatum, & Præbendam ejusdem Ecclesie Gebennensis, ex Concessione Apostolicâ obtinet, nobis fuit humiliter supplicatum, ut cum restitutio vestra forsan ad aliquod tempus differatur, vobis super his opportunè providere de benignitate Apostolicâ dignemur.

Nos igitur, qui modestis petitionibus libenter præbemus auditum, huiusmodi supplicationibus inclinati, vobis & aliis personis & ministris ejusdem Ecclesie Gebennensis, ut quamdiu vestrum exilium ab Ecclesia Gebennensi, & Civitate prædictis, ac persecutio Lutheranorum huiusmodi duraverit, in Ecclesia domus huiusmodi, de consensu dicti Petri Episcopi illius Fundatoris & absque præjudicio ipsorum Fratrum, Capitulares & alias Missas ac horas Canonicas diurnas & nocturnas, aliaque divina Officia juxta usum Ecclesie Gebennensis huiusmodi decantare, & recitare, ac Capitulum vestrum in Ecclesia domus huiusmodi, seu illius Capitulari celebrare liberè & licitè valeatis, præmissis ac Constitutionibus & Ordinationibus Apostolicis, nec non ipsius Ecclesie Gebennensis, etiam juramento, Confirmatione Apostolicâ, vel quavis firmitate alia roboratis Statutis & Consuetudinibus cæterisque contrariis nequaquam obstantibus, Autoritate Apostolicâ tenore præsentium de speciali gratia indulgemus.

Nulli ergo omnino hominum liceat hanc paginam nostri indulti infringere, vel ei ausu temerario contraire. Si quis autem hoc attemptare præsumpserit, indignationem Omnipotentis Dei, ac beatorum Petri, & Pauli Apostolorum ejus se noverit incursum.

Datum Romæ, apud Sanctum Petrum, Anno Incarnationis Dominicæ, Millefimo Quingentesimo Trigesimo Nono, Decimo Calendas Martii, Pontificatus nostri, anno sexto. Sign. Bernardus.

Capitulum Canonicorum à Sæcularisatione Abbatie Benedictinæ S. Bavonis recens erectum transfert ab Ecclesia S. Bavonis, (quæ ad construendam Arcem diruebatur;) ad Ecclesiam Parochialem Sancti Joannis: anno 1540.

PAULUS EPISCOPUS.

Servus Servorum Dei, ad perpetuam rei memoriam.

Sedes Apostolica, æqua semper in omnibus distributrix, ea quæ rationabiliter, maxime pro Ecclesiarum, & Ecclesiasticarum Personarum necessitate gesta, & concessa fore dignoscuntur, ut illibata persistant, Apostolico consuevit munimine roborare.

Sanè Carissimus in Christo Filius Noster Carolus Romanorum Imperator, semper Augustus, qui etiam Castellæ, & Legionis, ac Arragoniæ Rex, nec non Flandriæ Comes existit, suo, & dilectorum Filiorum Præpositi, & Capituli Sæcularis, & Collegiæ Ecclesie Sancti Bavonis Oppidi Gandavensis Tornacensis Diocesis nominibus nobis nuper exponi fecit, quoddam dudum dilecto Filio nostro Alexandro Sancti Laurentii in Damaso Diacono Cardinali de Farnesio nuncupato, Sanctæ Romanæ Ecclesie Vicecancellario, tunc in partibus illis nostræ, & Sedis Apostolicæ de Latere Legato, pro parte ejusdem Caroli Imperatoris exposito, quoddam ipse Carolus Imperator ad Oppidanorum dicti ejus Oppidi Gandavensis sub debitis fidelitate, & obedientia animos continendos, ac inter eos, & totam Patriam, nec non Comitatum suum Flandriæ pacem, & tranquillitatem perpetuè fovendam, & conservandam, aliisque necessariis, & urgentissimis causis animum suum moventibus, unam munitam arcem, sive Fortalitium in situ dictæ Ecclesie Sancti Bavonis, loco ad id convenientiori construi, & edificari facere inceperat, ad quod pro Arce, seu Fortalitio huiusmodi faciendâ, seu faciendâ, totam Ecclesiam prædictam, seu ejus majorem partem demoliri oportebat.

Ac propterea præfato Alexandro Cardinali, & Legato pro parte ejusdem Caroli Imperatoris instanter supplicato, ut in dicta Ecclesia nomen Collegiæ penitus, ac in Parochiali Ecclesia S. Joannis huiusmodi, ejusdem suppressere, ipsamque Ecclesiam Sancti Joannis, ad quam idem Carolus Imperator, (qui in illa Baptismatis Sacramentum susceperat) singularem gerebat devotionis affectum, in Collegiatam Ecclesiam sub invocatione Sancti Bavonis erigere, & instituere, & ad illam Capitulum, & Mensam Capitularem ipsius Ecclesie Sancti Bavonis transferre dignaretur.

Dictus Alexander Cardinalis, & Legatus, sufficienti ad id, ut asserbat, per Litteras dictæ Sedis facultate munitus, ipsius vigore, precibus ipsius Caroli Imperatoris in ea parte inclinatus, in Sancti Bavonis nomen Collegiæ, & in Parochiali Ecclesia prædicta invocationem Sancti Joannis huiusmodi perpetuè suppressit, & extinxit, eandemque Parochialem Ecclesiam in Collegiatam, sub invocatione ejusdem Sancti Bavonis cum Collegialibus insigniis perpetuè erexit, & instituit, ac Abbatiam, seu Præposituram principalem, nec non reliquas Dignitates, Canonicatus, & Præbendas, Cappellanas, & Beneficia dictæ Ecclesie S. Bavonis, cum anniversariis, fundationibus, provisionibus, Collationibus, Patronatu, & Funeralibus, ac aliis juribus, Jurisdictionibus, Censibus, fru-

ctibus,

stibus, redditibus, & proventibus, nec non tam personalibus, quam realibus præminentibus, immunitatibus, exemptionibus, privilegiis, honoribus, franchitiis, & gratiis, Lampadibusque, Ss. Corporum Reliquiis, Reliquariis, Campanis, Libris, Calicibus, Crucibus, Ornamentis, Feretris, Clenodiis, aliisque mobilibus, & immobilibus, ac se moventibus Bonis ad dictam de novo erectam Ecclesiam transfudit, illaque omnia eidem de novo erectæ Collegiæ Ecclesiæ perpetuò applicavit, & appropriavit; Ac tunc Episcopo Tornacensi, seu pro eo Pontificalia Officia exercenti, aut cuicumque alii Ecclesiæ Præfato, vel in Ecclesiastica potestate constitutæ personæ translationem ipsam, cum solemnitatibus, & Ceremoniis in similibus necessariis, & opportunis adhiberi solitis, faciendi, nec non præfato Carolo Imperatori pro dicta Arce, seu Fortalitiò construenda, seu construendo, dictam Ecclesiam Sancti Bavonis, seu partem ex eo demolendi licentiam, & facultatem concessit, prout in patentibus ejusdem Cardinalis & Legati Litteris desuper confectis dicitur plenius contineri.

Quare præfatus Carolus Imperator suo, ac Præposito, & Capituli prædictorum nominibus præfatis nobis exponi fecit, ut suppressioni, extinctioni, erectioni, institutioni, translationi, applicationi, appropriationi, & concessioni hujusmodi pro illarum subsistentia firmiori robur Apostolicæ firmitatis adjicere, & alias in præmissis opportunè providere de benignitate Apostolicâ dignemur.

Nos igitur, qui cunctorum, potissimè Cæsareâ Celitudine fulgentium votis, quantum cum Deo possumus, libenter annuimus, Præpositum, & Capitulum præfatos, ac eorum singulos à quibusvis excommunicationis, suspensionis, & interdicti, aliisque Ecclesiasticis Sententiis, Censuris, & pœnis à Jure, vel ab homine quavis occasione, vel causa latis, si quibus quomodolibet innodati existunt, ad effectum præsentium duntaxat consequendum, harum serie absolventes, & absolutos fore sententes, hujusmodi supplicationibus inclinati, suppressionem, extinctionem, erectionem, institutionem, translationem, applicationem, appropriationem, & concessionem prædictas, ac prout illas concernunt, omnia, & singula alia in dictis præsentibus Litteris quomodolibet contenta, ac inde sequuta quæcumque, nec non omnes, & singulas gratias, indulgentias, non tamen plenarias, privilegia, immunitates, prærogativas, exemptiones, præsertim per Felicis recordationis Julium Papam secundum, & quoscumque alios Romanos Pontifices Prædecessores nostros, ac alias Ecclesiasticas, & Sæculares personas, tam in genere, quam in specie, etiam individuum, & expressam mentionem requirentes, dudum eidem Ecclesiæ olim S. Bavonis tunc Regulari, ac postmodum suppresso in ea omni statu regulari, in Sæcularem, ac Collegiatam Ecclesiam erectæ, illiusque Præposito, dignitates obtinentibus Canonicis, & Capitulo per nos quomodolibet concessos, & concessa, ex certa scientia nostra, ac de Apostolicæ potestatis plenitudine, Auctoritate Apostolicâ tenore præsentium approbamus, confirmamus, & innovamus, ac pro potiori Cautela illa omnia, & singula, prout tum per dictum Alexandrum Cardinalem, & Legatum gesta, quam per Julium, & alios Prædecessores, ac alias personas præfatas concessa sunt, eidem noviter erectæ Collegiæ Ecclesiæ, illiusque Præposito, dignitates obtinentibus Canonicis, & Capitulo pariformiter, & absque ulla penitus differentia de novo concedimus, ac perpetuæ firmitatis robur, perinde ac si eidem noviter erectæ Ecclesiæ, illiusque Præposito, ac Capitulo concessæ extitissent, obtinere, & inviolabiliter observari debere decernimus, omnesque & singulos juris, & facti defectus, si qui

forfan in præmissis omnibus intervenerint, supplementum.

Necnon Rectoribus Curatis nuncupatis, Capellanis, Vicariis, Ministris & Officiariis, in olim Sancti Bavonis, ante illius demolitionem, ac in olim Sancti Joannis noviter erectæ Ecclesiæ prædictis nunc, & pro tempore existentibus, ut omnibus & singulis Gratiis, Indulgentiis, Privilegiis, Immunitatibus, Prærogativis, Libertatibus & Exemptionibus, etiam per Julium, & alios Prædecessores præfatos Ecclesiæ olim Sancti Bavonis, tunc Regulari, & pro tempore existenti Præposito, dignitates obtinentibus Canonicis, & Capitulo etiam, ut præmittitur, concessis, & quibus illi utuntur & potiuntur, ac uti, potiri & gaudere poterunt, quomodolibet in futurum pariformiter, & æquè principaliter, ac sine ulla penitus differentia uti, potiri, & gaudere liberè & licitè possint, indulgemus.

Et sic in præmissis omnibus & singulis per quoscunque Judices, quavis auctoritate fulgentes, sublatâ eis, & eorum cuilibet quavis aliter judicandi & interpretandi facultate & auctoritate, judicari & definiti debere, necnon quidquid secus à quoquam quavis auctoritate scienter vel ignoranter contigerit attentari, irritum & inane decernimus.

Quocirca S. Rumoldi Mechliniensis Cameracensis Diœcesis, & S. Pharaldis ejusdem Gandavensis Oppidorum Præpositis, ac Decano S. Donatiani Brugensis dictæ Tornacensis Diœcesis Ecclesiarum per Apostolica Scripta mandamus, quatenus ipsi, vel duo, aut unus eorum per se, vel alium, seu alios presentes litteras, & in eis contenta quæcumque, ubi & quando opus fuerit, ac quoties pro parte Caroli Imperatoris, & pro tempore existentis Præpositi & Capituli prædictorum, seu alicujus eorum desuper fuerint requisiti, solemniter publicantes, eisque in præmissis efficacis defensionis præsidio assistentes, faciant auctoritate nostra presentes litteras, & in eis contenta hujusmodi firmiter observari, ac singulos, quos ipsæ presentes litteras concernunt, illis pacificè gaudere; non permittentes eos desuper contra præsentium tenorem quomodolibet molestari, contradicere quoslibet, & rebelles per Censuras Ecclesiasticas, appellatione postposita, comescendo, etiam quoscunque quorum interest, etiam per edictum publicum locis publicis assignandum, constituto summarè de non tuto ad eos accessu, citando, ac quibus & quoties inhibendum fuerit, etiam sub similibus Sententiis, Censuris & Pœnis inhibendo, necnon Censuras & Pœnas ipsas etiam iteratis vicibus aggravando, invocato etiam ad hoc, si opus fuerit, auxilio brachii sæcularis.

Non obstantibus præmissis, ac pia memorie Bonifacii Papæ Octavi Prædecessoris nostri, quâ cavetur, ne quis extra suam Civitatem & Diœcesim, nisi in certis exceptis casibus, & in illis ultra unam diem a fine suæ Diœcesis ad iudicium evocetur, seu ne Judices in Sede prædicta deputati extra Civitatem vel Diœcesim, in quibus deputati fuerint, contra quoscunque procedere, aut alii, vel alii vices suas committere præsumant, & de duabus dietis in Concilio generali editis, dummodò ultra tres dietas aliquis auctoritate præsentium non trahatur, & quibusvis aliis Apostolicis, necnon in Provincialibus & Synodalibus Conciliis editis, generalibus vel specialibus Constitutionibus & Ordinationibus, ac dictæ Ecclesiæ olim Sancti Bavonis juramento, Confirmatione Apostolica, vel quavis firmitate alia roboratis Statutis & Consuetudinibus, necnon quibusvis Privilegiis, Indultis Apostolicis, quomodolibet, ac sub quibuscumque tenoribus & formis, nec non cum quibusvis clausulis & decretis concessis, approbatis & innovatis.

Quibus omnibus, etiam si pro illorum sufficienti derogatione, de illis eorumque totis tenoribus specialis, specifica & expressa mentio habenda foret, tenores hujusmodi, ac si de verbo ac verbum infererentur, præsentibus pro sufficienter ex-

pressis habentes, illis aliàs in suo robore perman-
furis, hac vice duntaxat, specialiter & expressè de-
rogamus, contrariis quibuscunque.

Aut si aliquibus, communiter vel divisim, ab eadem
sit Sede indultum, quòd interdici, suspendi vel
excommunicari non possint, per Litteras Aposto-
licas, non facientes plenam & expressam, ac de verbo
ad verbum de indulto hujusmodi mentionem.

Nulli ergò omninò hominum liceat, hanc pagi-
nam nostræ Absolutionis, Approbationis, Confir-
mationis, Suppletionis, Innovationis, Concessio-
nis, Derogationis infringere, vel ei ausu temera-
rio contraire. Si quis autem hoc attentare præ-
sumperit, indignationem Omnipotentis Dei, ac
Beatorum Petri & Pauli Apostolorum ejus se no-
verit incursum.

Datum Romæ apud Sanctum Petrum, Anno mil-
lesimo quingentesimo quadagesimo tertio, Nonas
Decembris, Pontificatus nostri anno septimo.

PAULUS QUARTUS.
PONTIFEX CCXXVII.
ANNO DOMINI MDLV.

Paulus Neapolitanus, priùs Joannes Pe-
trus Caraffa, successit Marcello II. anno 1555.
Latinè, Græcè & Hebraicè doctus, Theati-
norum Auctor, severus in delinquentes, Pri-
vilegiis Populo Romano concessis statuum
ex marmore meruit. Moriturus Cardina-
libus Sanctam Inquisitionem commendavit,
quæ tamen ipsum adeò invisum reddiderat,
ut quum animam ageret, Carcere Inquiti-
tionis succenso à furente plebe, Cœnobium
Dominicanorum Inquisitorum in summo fuit
discrimine, impetuque in Capitolium factò,
statuæ marmoreæ Pontificis, capite, dex-
træque truncatæ, toto triduo per urbis vias
volutatæ, postremò in Tiberim projectæ
fuerint, Insignibus Gentilitiis omnibus uno
die sublatis, & Cadavere Pontificis tenui
pompa sepulto: anno 1559. (*Magni Bul-
larii Romani hujus Editionis Lux. 1727.
Tom. I. fol. 816.*)

I.
Ex Mem.
du Clergé
de France
Tom. 2.
pag. 604.

Indultum concessum S. R. E. Cardinalibus, post
Conventiones inter se factas, in Conclavi Sede
vacante, quod vulgò *Compactum* dicitur: anno
1555.

PAULUS EPISCOPUS.

*Servus Servorum Dei, ad futuram rei memo-
riam.*

DECET Romanum Pontificem, Domini nostri
JESU CHRISTI in terris Vicarium, ea
quæ, etiam antequam ad Summi Apostolatus apicem
assumptus esset, inter ipsum & alios Cardinales
pro bono pacis, & felici regimine ipsius Romanæ
Ecclesiæ, & Status Ecclesiastici maturo consilio ordi-
nata & promissa existunt, semper rata habere,
& illis, quo firmitus subsistant, Apostolici Munimi-
nis robur adjicere. Cum itaque nos tunc in mi-
noribus constitui, & Episcopus Ostiensis, Sede Apo-
stolica per obitum felicitis recordationis Marcelli Pa-
pæ II. Prædecessoris nostri vacante, in Conclavi,
in quo divinâ favente clementiâ ad Summum Apo-
stolatus apicem assumpti fuimus, una cum Vene-
rabilibus Fratribus nostris S. R. E. Cardinalibus, in
ipso Conclavi pro electione futuri Romani Pon-
tificis celebranda interessentibus, certa Capitula inter
nos & ipsos Fratres maturo consilio facta, sub-
scripserimus, & postmodum ad hujusmodi Apo-

stolatus apicem, meritis licet imparibus, per eos-
dem Fratres electi. Capitula ipsa, prout illa in mi-
noribus constituti promiseramus, subscribendo purè,
simpliciter & bona fide ad litteram observare, &
adimplere solemnè voto promiserimus & juraveri-
mus, & ita illa omnia ad unguem omninò ob-
servare intendebamus: idcirco imprimis promitti-
mus & juramus, quod omnibus viribus nostris
conabimur & curabimus, pacem inter Principes
Christianos componere; & cum effectu faciemus,
quòd universalis Ecclesiæ & Romana Curia reform-
etur, prosequendo reformationem à piæ memo-
riæ Julio Papa III. inchoatam, ipsamque Cur-
riam non transferemus extra aliam urbem Ro-
mam, nec de loco ad locum, aut de Provincia
ad Provinciam; quodque numerus Venerabilium
Fratrum nostrorum S. R. E. Cardinalium statuatur
ac restringatur, & ex nunc ad numerum quadra-
ginta ejusdem S. R. Ecclesiæ ex omnibus nationi-
bus, sine præjudicio præsentium, ad summum statu-
tus & restrictus censeatur; ac interim quousque
dicti Cardinales, qui nunc sunt, ad hunc numerum
reducantur, à novorum Cardinalium promotione
abstinebimus. Licebit tamen nobis de pileo nostro,
prout nobis videbitur, liberè disponere; ac duos
vel tres alios Cardinales, etiam ante numeri hu-
jusmodi reductionem, ex Consanguineis nostris
infra tertium gradum, ante vel post reductionem
eandem, modò ultra duos non promoveamus, creare.

Non etiam assumemus Cardinales, nisi in ætate
saltem viginti quinque annorum constitutos, ac
viro bonæ vitæ, conversationis & famæ, ac lit-
terarum scientiâ, & bonis moribus præditos; ser-
vabimusque Decretum prædicti Prædecessoris in sa-
cro Consistorio editum, de duobus fratribus ger-
manis ad Cardinalatus honorem non assumendis;
quod extendatur & extensum esse censeatur, etiam
ad patruum & nepotem, ut eodem tempore nullo
modo in eodem Collegio esse possint. Et insuper,
juxta antiquam & laudabilem consuetudinem, pro-
motionem faciendam, saltem per octo dies ante
Cardinalibus in Consistorio tunc præsentibus de-
nuntiare, & Cardinales creandos in ipsa publica-
tione publicare debeamus, nec quemquam eorum
in pectore reservare, aut aliquo modo exquisito,
secretum etiam ad breve tempus tenere; quodque
omnes & singuli ejusdem S. R. E. Cardinales pro
tempore existentes, ex omnibus & singulis suis
bonis, etiam ex fructibus Cathedralium, etiam
Metropolitanarum Ecclesiarum aut Monasteriorum,
& aliorum Beneficiorum Ecclesiasticorum quorum-
cumque perceptis, & pro tempore percipiendis,
tam inter vivos, quam in ultima voluntate, inter
quascunque personas, liberè testari & disponere
poterunt, nec ad aliquam particularem licentiam
seu facultatem desuper obtinendam, ulla unquam
necessitate cogentur.

Et si contigerit, aliquem ex eisdem Cardinali-
bus ab intestato, & sine ulla rerum ac bonorum
suorum dispositione decedere, quod ejus spolia ad
Cameram Apostolicam non pertinebunt, sed inter
illius hæredes & familiares, arbitrio trium Sacri
Collegii Cardinalium hujusmodi, in ordine prio-
rum, pro tempore existentium, distribuantur; ac
Cardinalibus, quorum fructus seu redditus Ecclesia-
stici ad valorem sex millium Ducatorum auri de
Camera non ascendent, de proventibus ejusdem
Camere usque ad summam ducentorum Ducato-
rum similibus quolibet mense providebimus: ita
quòd solutio incipiat à die Assumptionis, sine ulla
excomputatione pecuniarum antea perceptarum. Et
nihilominus curabimus dictam Cameram ab ejus-
modi onere liberare, eisdem Cardinalibus providendo,
usque ad summam sex millium Ducatorum hujus-
modi de redditibus bonorum Ecclesiasticorum, præ-
sertim per obitum Cardinalium vacantium. Ipsique
Cardinales erunt exempti à decimis, gabelis, ac
quibuscunque aliis impositionibus, & oneribus ordi-
nariis & extraordinariis, quacunque de causa us-